



# selvaclub sagogn

**47avla radunonza generala dil Selvaclub Sagogn  
vendergis, 25 da settember 2020 allas 19:00, Aula casa da scola**

**Perstgisas:** Jürg Riser, Thierry Littmann, Brigitte e Pius Panier, Selina Shresta, Chiara Arpagaus, Lisabeth e Isidor Caderas, Sepi e Sina Cavelti, Regula Casanova, Paul Schmed, Felix Weicht

**Presents:** 21 persunas (tenor gliesta)

**Tractandas:**

1. Beinvegni
2. Elecziun dumbravuschs
3. Protocol radunonza generala 2019
4. Rapports annuals
  - a) dalla suprastonza
  - b) dils caus Giuventetgna + Sport (Patric Caderas, Janic Camathias)
5. Rendaquen
6. Rapport dils revisurs ed approbaziun dil quen
7. Preventiv 2020/21
8. Contribuziun annuala
9. Elecziun d'ina nova actuara/d' in niev actuar
10. Program da lavur 2020/21
11. Orientaziuns e varia

## **1. Beinvegni**

Nossa presidenta Marianna Manetsch fa in cordial beinvegni als presents ed arva la 47avla radunonza generala.

Ella constatescha che la radunonza generala seigi stada publicada 2 gadas el Fegl Ufficial ed ella Ruinaulta.

Davart la radunonza generala dat ei neginas propostas ni addataziuns pertuccont tractandas. Las tractandas vegnan approbadas unanimamein.

## **2. Elecziun dumbravuschs**

Gianna Jäger vegn elegida unanimamein sco dumbravuschs.

## **3. Protocol radunonza generala 2019**

Il protocol dalla 46avla radunonza generala ei publicaus sin nossa homepage. Plinavon ein entgins exemplars dil protocol mess si dapi las 18:30 per prender envesta. El vegn buca prelegius.

Il protocol vegn approbaus unanimamein.

## **4. Rapport annual**

### **a) dalla suprastonza**

Marianna fa in sguard anavos sin la sesiun vargada:

#### **Situaziun da neiv:**

Suenter che nus havein preparau l' infrastruttura per la nova stagiun fin november, havein stuiu spitgar tochen ils 10.01.2020 tochen che silmenis la neiv artificiala ei vegnida furnida sil prau verd. Ord nossa vesta ei quei stau bia memia tard.

Ella Quotidiana ha ei schizun dau in artechel sur d'il « Dounut » da neiv artificiala a Sagogn.

Sin neiv naturala havein uonn denton spitzgau adumbatten en nossas altezzias. En regiuns pli aultas/pli freidas sco per exempl si Bargis ein las relaziuns per cletg stadas meglieras, aschia che nus havein tuttina saviu sededicar alla cuorsa liunga

#### **Eveniments:**

Uonn havein stuiu desister d' il test da skis da cuorsa liunga, d' il cuors da fuffergnar e dalla fiasta da neiv.

Nossa cuorsa digl Energia Alpina Nordic Cup havein stuiu/astgau spostar si Breil. En quei liug in grond engraziament als da Breil, als trenaders, geniturs e gidonters per il grond agid a caschun da quei eveniment.

#### **Tegia:**

La stagiun ella Tegia ei stada rudimentara, sco la situaziun da neiv. Deplorablamein ha era la gronda motivaziun da nies cautegia Rainer Dust gidau nuot. Muort munconza da neiv ni da hosps ei la Tegia deplorablamein savens stada serrada. Tuttina in grond engraziament a Rainer per siu prezziau engaschi.

#### **JO:**

Ell' JO han uonn rodund 25 affons priu part.

Grazia alla neiv artificiala han silmeins entgins trenaments d' il margis sera saviu vegnir absolvi a Sagogn. Ils trenaments dalla sonda han muort munconza da neiv naturala per part giu liug ordeifer. La motivaziun ei denton stada buna.

Plinavon han dus trenaders da noss' JO abdicau sin la fin dalla stagiun. En quei connex in grond engraziament a Linus per 5 onns engaschi en favur da nossa JO ed en special a Janic per 11 onns, da quels ca. 7 onns sco co-cautrenader e commember en suprastonza. Engraziel fetg.

Gian Maria Ernst e Felix Weicht che ein sanunziai per far il cuors dad J&S quest unviert, vegnan gia a segidar cun nos trenaders avon haver absolviu il cuors.

#### **Engraziament:**

Marianna siara il sguard anavos cun in cordial engraziament als trenaders per lur grondius engaschi, als geniturs per il sustegn, a Roman per sia lavur sco coach e coordinatur da J&S, a tuttas gidontras e gidonters e plinavon als collegas dalla suprastonza per la collavuraziun fetg emperneivla.

## **b) Rapport dils caus G + S, Patric Caderas e Janic Camathias**

La stagiun ha entschiet culs trenaments ils 24 d'ust 2019.

Ils 31 d'ust ha l' JO passentau la tradiziunala fin d' jamna si ella hetta dil crap la foppa.

Per l'emprema gada han ils trenaments dil margis giu liug gia naven dall' entschatta dalla stagiun. La partizipaziun ei denton stada mediocra, aschia ch' ils trenaments dil margis vegan uonn puspei ad entscheiver per suenter las vacanzas d'atun.

Ils 21 e 22 da december ha il camp da trenament a Bargis giu liug. La partizipaziun era fetg buna. Da 25 affons han 24 partizipau al camp da trenament.

Duront gl' unviern han ins puspei stuiu esser flexibels e stuiu encurir las loipas ch' eran preparadas. Entgins trenaments ha ei era dau sin la neiv artificziala. Muort la munconza da neiv ein ils trenaments bu exnum stai ils pli varionts, denton havein stuiu esser leds che nus havein silmeins giu ina loipa a Sagogn.

Sco communicau han ils trenaders purschiu la mesjamna sera trenaments comunabels per tut ils commembers dil club. La partizipaziun ei stada plitost magra. Motiv ein probabel la munconza da neiv stada. Plinavon ei la mesjamna sera tier entgins commembers gia occupada per autras uniuns. Per ils tenaders ch' ein disponibels duront l' jamna eis ei denton la suletta sera ch' ei libra per quella purschida. La finamira ei da continuar cun quels trenaments comunabels.

La partizipaziun allas cuorsas digl' energia alpina nordic cup ei stada buna. Muort munconza da neiv havein nus stuiu spostar nossa cuorsa digl' energia alpina nordic cup si Breil. Il percuors ei staus ualti pretensius ed igl ei stau ina biala cuorsa.

Patric engrazia alla suprastonza ed als geniturs per lur sustegn. Als trenaders per lur trenaments ed en spezial a Janic per sia lavur sco co-chef dall' JO.

## **5. Rendaquen**

Nies cassier René Wellinger explichescha il quen annual 2019/20. La facultad dil Selvaclub munta ils 30-8-2020 sin frs. 53'550.75. Il quen 2019/2020 siara cun ina sperdita da frs. 7'344.87. La gronda part da quella summa deriva dall' acquisizun da novs skis da rodas per il trenament da stad. Muort midada dil typ da ligiadiras/calzers sin Prolink/Turnamic ei quell' investiziun denton stada necessaria.

## **6. Rapport dils revisurs**

Ils revisurs Enrico Arpagaus e Hans Niederberger constateschan che tut las quittanzas ein avon maun e che la contabilitad ei vegnida menada schuber e bein so adina. Hans propona alla RG d' acceptar il rendaquen e da dar la descharscha al cassier ed alla suprastonza. Il quen vegn approbaus unanimamein.

Hans engrazia a René per siu grondiusa lavur ch' el fa gia dapi decennis en favur dil Selvaclub e supplichescha per in grond e meritau applaus.

In grond engraziament era a nos revisurs Hans ed Enrico.

## **7. Preventiv 2020/21**

Per la proxima stagiun ein neginas pli grondas investiziuns previdas. Tuttina quenta nies cassier cun ina sperdita da frs. 5'440.-. El menziunescha denton, che quei vesi probablamenin ora auter, sch' ei dat neiv uonn.

Il preventiv vegn approbaus unanimamein.

## **8. Contribuziun annuala**

La suprastonza propona da schar la contribuziun annuala per commembers "A" sco tochen dacheu sin frs. 40.-. Commembers digl SST pagan naven da 18 onns medemamein la contribuziun da frs. 40.- (analog comembers "A") e persunter negina contribuziun per l' JO.

La proposta vegn approbada unanimamein.

## **9. Elecziun d'ina nova actuaara/d' in niev actuar**

Deplorablamein eis e aunc adina buca gartegiau d'anflar in/ina successur/successura per Amanda en suprastonza. Marianna resumescha court las incumbensas ch' il post sco actuar/a dil Selvaclub portan. D' ils presents ei deplorablamein neigin prompts da surprendre quell' incarica, aschia ch' il post d' actuar statt era vinavon vacants.

## **10. Program da lavur 2019/20**

Drizzar en p' il menaschi d'unviern	28-11-2020
Test da skis	02-01-2021
Fuffernadi da cuorsa liunga	03-01-2021
Cuorsa Energia Alpina Nordic Cup a Sagogn	23-01-2021 (ev. cun fiasta dil club)
fin dalla stagiun	14-03-2021

## **11. Orientaziuns e varia**

Era onn ei previu d' illuminar la loipa da notg il margis, la mesjamna e la gievgia. Quei mintgamai dallas 18.00-21.00.

Marianna informescha, ch' il Selvaclub ei era l' auter onn responsapels per l' ustria a caschun dalla fiasta dil vitg il settember. Quei ord il motiv, ch' ins ha uonn stuiu desister dalla fiasta muort las restricziuns da Corona/Covid 19.

Marianna menziunescha, che nus havein aunc anflau negnin cautegia per la Tegia nordica per la stagiun vegnenta e damonda sch' ei dat propostas ord la RG.

Sch' ei dat negin cautegia sco tochen dacheu, stuessan anflar autras sligiazions. Per exempel savessan era pliras commembras/commembers parter l' incarica da menar la tegia.

Marianna tarmetta ils proxims gis in scrire, nua che tuts commembers san annunziar, cura ch' els havessan capacitads libras duront la stagiun.

Medemamein encurin vinavon in cautegia cun inserats el Volg e tut secund el fegl official.

Impurtont da saver ei denton, ch' in eventaul cautezia stuess esser commember da noss' uniun.

Plinavon informescha Harald pertuccond in discuors cul president communal Hanspeter Casutt, che ha giu liug l' jamna avon la RG. Il discuors tractava suandonts temas :

1. Loipa sin neiv artificziala
2. Ponderaziuns pertuccond in' eventuala participaziun dalla vischnaunca da Schluein vid l' infrastruttura da cuorsa liunga
3. Ponderaziuns d' in eventuala dislocaziun dil center da cuorsa liunga ellas localitads d' il club da golf Buna Vista

En num dalla suprastonza ha Harald communicau al president communal, ch' ei seigi ord nies punct da vesta essenzial, che la loipa sin neiv artificziala statt a disposiziun sil pli tard avon nadal e daniev. Suenters ils firai, resp. il schaner eis ei memia tard e probabel pli prudent da desister sin neiv artificziala.

In eventuala participaziun dalla vischnaunca da Schluein vid l' infrastruttura da cuorsa liunga, ed en quei connex in eventuala prolungaziun dalla loipa sin neiv artificziala ei ord nossa vesta fetg beinvegnida.

Per entginas discussiuns procuran denton las ponderaziun dalla vischnaunca da dislocar il center da cuorsa liunga naven dalla Tegia nordica vi ellas localitads d' il club da golf Buna Vista.

Ils votums principals da nos commembers ein ils suandonts :

- In liug da sentupada e d' il brat social denter giuven e vegl amiez il vitg va a perder
- Il vitg perdess in' ulteriura purschida/attractivitat el cor dil vitg (quasi tuttas ustrias el vitg ein serradas la dumengia, stad ed unviern)
- Muort la topografia vegnessan las cundiziuns da far cuorsa liunga pigiuradas el contuorn dil Buna Vista, en special per entscheviders
- Las relaziuns da neiv el contuorn dil Buna Vista ein per bia buca schi bunas/segiras, resp. la neiv statt per bia buca schi ditg, sco el contuorn dalla tegia e scurseness aschia era la stagiun
- L' identificaziun/renconuschientscha dalla vischnaunca cul Selvaclub e cuntrari mass probabel pli e pli a perder
- Il Selvaclub perda entradas finanzialas, che stuessan vegnir replazzadas

Harald surpren l' incarica dalla RG d' informar il president communal Hanspeter Casutt en caussa.

Vinavon informescha Harald pertuccond damonda alla vischnaunca Sagogn, da remplazzar las cazzolas existentas dalla loipa da notg cun cazzolas novas da led. L' illuminaziun existenta consista da cazzolas da halogen ineffizientas e ch' ein en sesez era scumandadas gia dapi igl 1 da settember 2018.

Allas 20:45 siara nossa presidenta Marianna la 47avla radunonza generala, engrazia als presents per lur preschientscha ed envida ils commembers a tscheina ella Stiva Grischna.

Sagogn ils, 4 da november 2020

Harald Schöpf